




Høyanger kommune

Politisk sekretariat

Det Kongelige Landbruksdepartement

Postboks 8007 Dep
0030 OSLO



Arkivsak
03/00942

Arkivkode
V10

Løpenr.
9094/03

Saksbeh.
RIF

Dato:
10.12.03

SÆRUTSKRIFT: FORSKRIFT OM TILSKOT TIL SPESIELLE MILJØTILTAK I LANDBRUKET OG FORSKRIFT OM TILSKOT TIL NÆRINGS- OG MILJØTILTAK I SKOGBRUKET- HØYRING

R.f.	Utval	Møtedato	Arkivsaksnr.	Utvalssak
1	Formannskap	02.12.03	03/00942-2	03/0080

TILRÅDING:

Høyanger kommune si uttale til "Forskrift om tilskudd til spesielle miljøtiltak i landbruket" og "Forskrift om tilskudd til nærings- og miljøtiltak i skogbruket" vert i samsvar med merknadene i saksutgreiinga.

Handsama i Formannskap - 02.12.03:

VEDTAK - samr. som tilråding.

Rett utskrift

Rita T. Flaten
Politisk sekretær

Postadresse:
Postboks 159
6991 HØYANGER

Besøksadresse:
Rådhuset
6993 HØYANGER

Telefon:
57 71 15 50

Telefaks:
57 71 15 51

Bankkonto:
8471 07 01066

SAKSUTGREIING

Sakshandsamar: Jørgen Hundseth/Randi Dale
Arkivkode: V10

FORSKRIFT OM TILSKUDD TIL SPESEILLE MILJØTILTAK I LANDBRUKET OG FORSKRIFT OM TILSKUDD TIL NÆRINGS- OG MILJØTILTAK I SKOGBRUKET - HØYRING

VEDLEGG: Brev 28.10.03 med høringsutkast til:

- Forskrift om tilskudd til spesielle miljøtiltak i landbruket
- Forskrift om tilskudd til nærings- og miljøtiltak i skogbruket

BAKGRUNN:

Forskriftene skal på jordbrukssida erstatte:

- forskrift om spesielle tiltak i landbrukets kulturlandskap (STILK)
- forskrift om investeringsstøtte til miljøtiltak (IMT).
- "områdetiltak"

På skogbrukssida skal den erstatte noverande sju forskrifter:

- handsaming av skogsvegar,
- praktikantar i skogbruket,
- fyrstegongstynning,
- drift i vanskeleg terreng,
- skogkultur,
- bygging av skogsvegar og
- miljøtiltak i skogbruket.

I handsaminga av St.meld.nr.1 (2001-2002) nye oppgåver for lokaldemokratiet-regionalt og lokalt nivå, vedtok Stortinget at ei rekke nye oppgåver innan landbruksforvaltninga skal overførast til kommunane. Overføringa gjeld vedtaksmynde for saker som krev lokalpolitisk skjønn. Tilsvarande gjeld for dei økonomiske verkemidlane (LUF). Stortinget ynskjer med dette å styrke det lokale sjølvstyret, gi kommunane betre høve til å sjå landbrukspolitikken i samanheng med andre samfunnsoppgåver, og samtidig bidra til betre målretting og effektivisering av statleg verkemiddelbruk.

Som ei oppfølging av desse endringane vil kommunane frå 2004 få tildelt ei årleg ramme frå Fylkesmannen som vil omfatte :

- midlar til miljøtiltak i landbruket ("STILK")
- nærings- og miljøtiltak i skogbruket og
- skogbruksplanlegging.

Desse midlane skal forvaltast på bakgrunn av forskrift som no er på høyring. Som det framgår av utkasta vil kommunane få stor fridom til å prioritere mellom dei ulike tiltak, fastsetje tilskotssatsar, nærare kriterie og eventuelle vilkår.

VURDERING:

1. Merknad til "Forskrift om tilskudd til spesielle miljøtiltak i landbruket" :

§ 3 Vilkår.

Dette punktet bør skrivast på ein enklare og meir presis måte. Det bør gå klarare fram av paragrafen kva søkjargruppe som fyller vilkåra for å søkje tilskot. Dersom det er ei målsetting at kommunen skal utøve eit visst skjønn også når det gjeld vilkåra bør dette innarbeidast.

I forskrifta er kun eingongstilskot omtala, og ikkje årlege tilskot som går over ein tidsperiode på fleire år. Er det slik å forstå at det ikkje er høve til å innvilge fleirårige tilskot til f.eks. skjøtsel av verdfull areal? Årlege tilskot til skjøtsel/ stell av verdfullt areal bør omtalast i teksten, slik at det i særskilde høve kan vere rom for å premiere t.d. arbeidsintensive driftsformer med føremål å fremje miljøverdiane.

2. Merknad til "Forskrift om nærings-og miljøtiltak i skogbruket" :

Kap 5.

Sitat siste line: " Det er ikke anledning til å gi tilskudd til taubanedrift."

Viser her til oversiktsplanen for skogbruket i Høyanger, der status for vegbygginga i dei økonomisk drivverdige områda er at om lag halvparten av planlagde vegar er gjennomført. I dette arealet er om lag 80 % tenkt framdrive i kombinasjon vegbygging - slepe-/taubane. Ein sum av ulike kutt til skogbruket, som redusert skattefordel ved bruk av skogavgift til nyanlegg, og i denne forskrifta framlegg om ikkje å gi tilskot til taubanedrift, gjer det vanskeleg for vidare lokal verdiskaping og lønsemd av skogsdriftene. Eit bortfall av driftstilskotet vil og i mange høve føre til meir terrenginngrep i form av enkle driftsvegar. Då andelen bratt og vanskeleg terreng varierer stort frå kommune til kommune, bør det etter sakshandsamar sin vurdering, være opp til den enkelte kommune å avgjere om det skal bli gjeve tilskot til taubanedrift.

Kommentar til klargjering av ordninga i følgjebrev 28.10.2003:

Kommunane får ei årleg disposisjonsramme på bakgrunn av fleirårige tilskotsstrategiar som kommunen skal utarbeide.

Kommunane får stadig nye plan- og rapporteringskrav. Meiner det er både unødvendig og vil føre til mykje meirarbeid å legge opp ordninga på den måten. Kvar kommune bør få ei tilskotsramme etter objektive kriterier, som er forutsigbar frå år til år. Vidare må kommunane kunne forvalte ordninga med eit fleirårig perspektiv. Dvs. at unytta tilskot eit år kan setjast av på fond og nyttast i komande år. På den måten kan kommunen også planlegge gjennomføring av tyngre tiltak.

Sitat : " - tilskudd til veiformål kan ikkje utgjøre mer enn maksimalt 50 % av det tildelte beløp til skogkultur i den enkelte kommune".

Investeringar til vegformål i høve andre skogtiltak i ein kommune, kan variere svært mykje frå år til år. Skal ein følgje denne "50 % -regelen" vil ein i dei år med stor aktivitet i skogsvegbyggjing få problem med fordelinga. Særleg gjeld dette der ein allereie har godkjende planar og stor byggjeaktivitet, og av den grunn vil få stort tilskotsbehov i 2004. Skal ein gjennomføre denne avgrensinga bør ein i alle høve få til ei overgangsordning. Vidare bør det ved store investeringar i veg, eller motsett til skogkultur, være mogleg å fordele dette over fleire år. Som ei samla vurdering vil sakshandsamar likevel tilrå at denne avgrensinga vert strøken.

KONKLUSJON:

Høyanger kommune si uttale til "Forskrift om tilskudd til spesielle miljøtiltak i landbruket" og "Forskrift om tilskudd til nærings- og miljøtiltak i skogbruket" vert i samsvar med merknadene i saksutgreiinga ovanfor.